



**ATA OFISIAL DI INKONTRU  
DI KUMITÊ SKULAR DI BOSTON**

**14 di Dizenbru di 2022**

Kumitê skular di Boston rializa um riunion remotu kuarta-fera, 14 di Dizenbru di 2022 ,17 ora na Zoom. Pa opten mas informasons sobri kualker un di itens na lista la di baxu, vizita, [www.bostonpublicschools.org/schoolcommittee](http://www.bostonpublicschools.org/schoolcommittee), ô invia un email pa [feedback@bostonpublicschools.org](mailto:feedback@bostonpublicschools.org) ô txoma pa skritóriu di Kumitê Skular di Boston na (617) 635-9014.

**FREKUENSIA**

Membrus di kumitê skular Presentis: Prizidenti Jeri Robinson; Visi-Prizidenti Michael D. O'Neill; Stephen Alkins; Brandon Cardet-Hernandez; Lorena Lopera; y Rafaela Polanco Garcia.

Menbrus di Kumitê Skular Auzenti: Quoc Tran; y representanti di alunus Diego Mehta.

**DUKUMENTUS APREZENTADUS**

Ajenda

Ata di Riunion: 7 Dezenbru, 2022

Memorandu pa kumite di skola Re: Negosiasons di grémiu administrativu

Grémiu Memorandu di Akordu , Validu di 1° di Sitenbru di 2020 ti 31 di Agostu di 2022.

Grémiu Memorandu di Akordu , Validu di 1° di Sitenbru di 2022 ti 31 di Agostu di 2024.

Aprezentason di prupostas di Renomiason di Skola y spasmus na PowerPoint

Memo re: Alterason di statusus di kumitê skular: 2023 Data di riunion organizasional

Nota di atualizason finanseru

Financial Update Equity Impact Statement

Aprezentason di atualizason finanseru, FY22-FY24

Atualizason di Orsamentu Outubru fundus jeral FY23

14 di Dizenbru di 2022

Rezumu di atualizason di orsamentu Outubru FY23

Atualizason di orsamentu di Outubru subsídiu nau-ESSER FY23

## PIDIDU DI ORDÍ

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psosal. Sr. Tran y Sr. Mehta ka staba prezenti. Sr. Cardet-Hernandez y Sr. O'Neill ka staba prezenti pa xamada numinal, ma es partisipa na seson izekutivu em kursu. Tudú kes otus membrus staba prizenti.

Sra. Robinson anunsia ki Kumité ta binha interonpeba imediatamenti um seson izekutivu ku objetivu di diskuti stratéjia relativamenti a negosiason kuletivu ku Grémiu Administrativu, SEIU Local 888 y trabadjadoris di United Steelworkers on behalf of Local 2936 (Munitoris di Autokaru). Tem kel diskuson li na um runion abertu podia bem tem um efeitu prejudisial na puzison di negosiason di Kumite. E fla ma kumite ta volta pa seson publiku pa 18hr.

## ADISIONA À SESON EZEKUTIVU

*Aprovadu* -Pur xamada numinal Kumité aprova pur unanimidadi um muson di adiamentu pa um seson izekutivu ku objetivu di diskuti stratéjia relativamenti a negosiason kuletivu ku Grémiu Administrativu, SEIU Local 888 y trabadjadoris di United Steelworkers on behalf of Local 2936 (Munitoris di Autokaru).

## VOLTA PA SISON PUBLIKU Y ORDEN DI XAMADA

Prezidenti Robinson torna konvoka runion em seson públiku pur volta di 18h07. Sra Robinson anunsia ki Kumite kaba di retorna di um seson izekutivu ku objetivu di diskuti stratejia rilasionadu a negosiason kuletivu ku Grémiu Administrativu, SEIU Local 888, y United Steelworkers on behalf of Local 2936 (Kondutoris di Atokaru).

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. Também ta ser publikadu na [bostonpublicschools.org/schoolcommittee](http://bostonpublicschools.org/schoolcommittee) e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes, Mandarim, Arabi Língua Jestual Amerikanu (ASL); intérpretis ta apresenta es mesmu y es da instruson na se língua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na [www.bostonpublicschools.org/schoolcommittee](http://www.bostonpublicschools.org/schoolcommittee) antis di inisio di riunion.

## APROVASOM DI ATA DI RIUNION

14 di Dizenbru di 2022

*KonferidU* - pa chamada nominal, kumité aprova pa unanimidadi ata di riunion di kuarta-fera, 7 di Dizenbru di 2022.

## RELATÓRIU DI SUPERINTENDENTI

*Sima preparadu pa intrega.*

Obrigadu Senhora Prezidenti. Boa noiti tudu algem. Antis di nu kumesa, nta gostaba di rekunhesi ki oji e désimu aniversáriu di Sandy Hook. Des anu atras, nos tudu nu oia vida di 26 kriansa inusentis y di staff perdudu pa violensia sem sentidu ku armas. Nunka nu ka ta bem skresi kes imajens li y rostus y inpreson duradoru ki es tevi sobri nós komu idukadoris y sobri nos kumunidadi skular. Pur favor, djunta a mi na um mumentu di silensiu.

*[MUMENTU DI SILENSIU]*

Um di nhas prioridadis e garanti seguransa; kria um kultura skular seguru pa nos staff, alunus y famílias. Nu sa kontinua ta avalia nos operasons, protokolus di instalasons, y prusedimentus. Nta intendi ki kel trabadju li mesti di um vila, pelu ki nu sta em konstanti kumunikason ku otus departamentus di sidadi sobri modi ki nu podi trabadja pruativamenti pa reduzi insidentis antis kes kontisi. Nha ikipa stevi prezenti na semana pasadu na audiensia di violensia de armas na Lilla Frederick Pilot Middle School, konvokadu pa veriador Brian Worrell. Runion di kamara munisipal salienta nos nesesidadi di kontinua ta pruporsiona spasmus di apoiu y kura pa nos jovens - nu ta bem kontinua ta fazel a midida ki nu ta entra na épuka orsamental y nu ta bem djobi aumenta nos númeru di asistenti susial.

Pa prósimu veron, nu ta bem kontinua ta apoia nos alunus y famílias, tendu nos asistencias susial ta trabadja na lukal di skolas di veron, y nu ta bem asistenti susial adisional a lidera resposta a krizi em kulaburason ku ajensias di sidadi. Nu sta ta trabadja tanbe na spanson di prugramas di tutoria y opurtunidadis di lideransa di kolegas duranti mes di Veron. Alem di keli, nu ta bem trabadja ku sentrus juvenil lukal pa prupersiona spasmus seguros a nos jovens, undi es ta xinti bem-vindus.

Komu um líder skular y fundador, nsabi di inpurtansia di konstrui konfiansa y relasons autentikus ku nos alunus y famílias, y nsta inpenhadu na trabadja ku tudu algem pa garanti ki keli ta kontisi. Ora kin ta imajina involvimentu familiar y kumunitáriu, nkre spandi nos trabadju através di linha di apoiu di BPS, bem komu aumenta Ikipa di involvimentu Kumunitáriu. Nta akredita ku involvimentu di prinsipal konstituentis na nos sforsus di involvimentu di um manera robustu ta bem abri kaminhu pa linhas di kumunikason mas abertus, spesilamenti nu ke diz respetu a runions di kumunidadi pa preve fuzons, asesu a rekursus oferesidus pa Servisus di Akulhimentu, y resebi akonselhamentu y feedback kontínus di kumunidadi sobri prusesu di Eskolha di skola.

Na ta djobi pa futuro, nsta intuziasmadu ku alguns di kes trabadjus ki nu kumesa na otus árias, tanbe:

**14 di Dizenbru di 2022**

- Dja nu kumesa ta plania pa Veron '23. Nu sta ta konstrui kuze ki nu prenda ku anu pasadu: spandi programás di parserus undi nu tinha grandi prokura, abri rejistu inda mas sedu du ki na anu pasadu ku objetivu di abri ti miadus di Marsu, em bes di Abril, y atualiza nos feramentas di rejistu pa ser fasilmenti asesivel na tudu linguas.

Sima nu sa entra na ano novu, ta bem ser apresentadus a Kumite skular munti relatórius y rekomendasons txabi di konselhu di Skolas di grandi Sidadi sobri seguransa y transporti ki ta bem djuda a infurma nos trabadju distrital. Komu um lenbreti, kes relatórius li ta fazi parti di Planu di melhoria sistémiku. Distritu ta bem kria planus di implementason em respostas a kes rekomendasons li. Nos skolas debi ser ambientis seguros, di aprendizajen pa nos alunus.

Nta gostaba tanbe di didika um mumentu pa aborda um asunto relasionadu ku um karta ki nu resebi di Kumison di Finansa di Sidadi di Boston. Nu ta leba a sériu nos konpromisu di leba tudu alunus di y pa skola em seguransa y a tenpu y nu sa kontinua ta trabadja pa midjora nos sistema di transporti. Min reve karta y diskuti priokupasons spresus ku ikipa.

Atual kontratu di transporti finda a 30 di Junhu di 2023. BPS y sidadi tem bindu a trabadja dilijentementi a mas di um anu na um prusesu di munti anu pa prepara um konviti a apresentason di prupostas pa prósimu kontratu di transporti, ku inisiu a 1 di Julhu di 2023. Konviti pa lisitason foí ko-konstruidu ku peritus di industria y um kumité konsultivu inter-BPS y munisipal pa garanti ki prósimu furnesedor ta sta bem puzisionadu pa satisfazi nesesidadis di transporti di alunus di Boston. Komu rezultadu, konviti pa apresentason di prupostas ivului signifíkativamenti em konparason ku kontratu atual, di manera a rifliti anbitu y skala atual di operason di transporti, alinha insentivus di dizenpenhu pa konduzi midjoris a rezultadus operasional, y satisfazi objetivus stratéjikus a longu di prazu di distritu y nesesidadis di transporti.

Nu sta konfianti ki prusesu di lisitason foí kompetitivu y ki pruposta resebedu di Transdev ta kunpri tudu spesifikasons di lisitason. Nu kunpri altus padrons di apruvizionamentu, y nu sta em vias di prepara um resposta fural a karta di Kumison di Finansas y di marka um runion.

Ora ki nu ta fala di seguransa, ka ta trata so di insidentis, ma tanbe di garanti saúdi di nos alunus y di nos staff. Sima era di spera, nu sisti um aumentu di kazu kumunikadus di COVID-19 y otus duensas respiratórias sima gripi y RSV, dipos di intervalu di Dia di asons di grasa. Nu sa kontinua ta jiri número di kazu ki nu tem ku nos protokolus atual. Dadu ki dja nu oia um aumentu di kazu li na Boston, spesifikamenti um aumentu signifíkativu di águas rezidual. y número sta ta aumenta na pais interu, nu sta ta trabadja txeu streitamenti ku Kumison di Saúdi Publiku di Boston (BPHC) pa konsidera um konjuntu di putensial medidas adisional di mitigason dipos di férias di Invernu.

Kes diskusons li ta bem pruvavelmenti rezulta na alterasons a nos protokólus atual, mas nu ka tem disizons final sobri kuze ki ta bem ser es alterasons. Nu tem mas runions manham y sexta fera ku BPHC y nu ta spera ki ta tomadu disizons na prósimus dias. Si nesesáriu, nu ta bem kumunika kualker mudansa a nos protokolus atual ku staff, famílias y alunus na inísu di prósimu semana. Nu sa kontinua ta oferesi textis rápidus grátis a kada alunu y menbru di staff tudu semana y nu tem textis sintomátikus na skola, nu tem nos protokolus di linpeza em vigur y nu sa

**14 di Dizenbru di 2022**

kontinua ta salienta inpurtansia di lavajen di mon y di itiketa respiratóriu. Kada skola tem maskras y PPE sufisienti pa 3 mes y nu tem mas maskara guardadus sentralmenti si skolas mesti di mas. Nu sta tanbe ta avalia dadus y a konsidera ajustamentus a nos protokolus, pamo munti di nhos talves ta lenbra na Janeru pasadu kandu nu tevi dizafius signifíkativus em termus di staff dipos di férias di Invernu pamo um grandi piku na kazu di COVID-19.

Nu sa ta prepara gosi pa alguns putensial dizafius em termus di staff, ta maksimiza nos rezerva di profesorís substitutus, ta oferese um bónus di 250 dólar pa kada 10 dia di trabadju, ta trabadja na um planu pa putensial destakamentus di skritórius sentral, kazu seja nesesárius, y ta stabelesi mesmu kadensia di runions 3 bes pur dia ki nu tevi na anu pasadu, ku um ikipa funksional kruzadu a munitoriza situason di saúdi y di staff.

Nos tudu nu tem um papel txeu inpurtanti a dizenpenha ora ki nu volta di intervalu:

- Uza kits di texti ki nu das antis di volta.
- Nu stiver dueti, fika na kaza.
- Laba mon y uza um bom itiketa respiratóriu.
- Linpa frekuentementi superfisis di kontaktu frekuenti.

Nkre agradezi a nos ikipa di servisus di saúdi di BPS, a nos inferemerás skularis y a Kumison di Saúdi Publiku di Bostonpa se kulaburason y parserias kontínus. Kes ultimus anu li tem sidu rialmenti dizafiantis, mas sentimentu konsistenti di "nu sa djuntu na keli" permitinu munitoriza, plania y implementa stratéjias di mitigason sertus ki um determinadu mumentu ta iziji pa garanti saúdi y seguransa di nos alunus y staff.

Si tem tidu algu konsistenti sobri kel pandimia li, e ki kuzas ta bem muda di forma konsistenti. Nu gosi na um mumentu diferenti di kel ki nu oia na inisiu di anu letivu, pelu ki nu debi riavalia nos protokolus y fazi mudansas adekuadus ku bazi na dadus. Sima nfla mas sedu, ka foi tomadu disizons final sobri rializason ninhum alterasons, nu ta bem volta a riunu ku Kumison di Saúdi Publiku di Boston manham y sexta-fera y nu ta bem kumunika kualker alterasons a protokolu ti inisiu di prósimu semana. Tudu disizons ki nu toma ta bem ser baziadus na nos dadus y na rekomendasons di nos prufisional di saúdi.

Otu ária di infoki fundametal na nha vizon e silera dizenpenhu akademiku y reforsa asesu a aprendizajen susial-imusional. Ntivi opurtunidade di papia ku alunus di 7<sup>o</sup> y 8<sup>o</sup> anu na Umana komu parti di inisiativa "Boston Partners in Education Big Cheese". The Big Cheese Guest Speaker Initiative ta involvi líderes txabi pa partilha y spoi diferentis alunus a diferentis kareras. E inpurtanti spoi nos alunus a diferentis perspetivas y perkursus prufisional a midida kes ta kria, preñdi y pruspera na nos distritu.

Otu izenplu di keli e trabadju ki nu sta ta fazi através di Green New Deal. Kel trabadju li tem komu objetivu oferese um garanti di kualidadi y pruporsiona spásus inkluzivus y sustentável pa nos alunus y famílias. Nu ta rekunhesi inpurtansia di stabelesi parserias ku kumunidade y famílias em tornu di planiamentu y di vizon a midida ki nu ta fazi es trabadju. Nu atinji mas um marku ku kel trabadju li através di sirimónia di inaugurason y asinatura di feixi na Josiah Quincy Upper School. Min staba na ladu di Prezidenti di Kamara Wu, di lideris skularis JQUS Richard Chang y Stephen Cirusuolo, Kerrie Griffin, Jim MacDonald y di Kumite skular y di pai di JQUS

14 di Dizenbru di 2022

Rafa Polanca Garcia pa selebra es marku stóriku. Nka ta konsigi fla nhos modi ki alunus staba orgulhozus y modi kes sta ansiozus pa plania iventus y selebra ora ki prujetu stiver konkluidu. Nta intendi ki kel trabadju li ta kauza inkonvinientis a kurtu prazu pa nos famílias, mas novu idifisiu ta bem dexa um inpaktu duradoru pa prósimus jerasons. Nu ta rekunhesi inpurtansia di stabelesi parserias ku kumunidade y famílias em tornu di planiamentu y di previzon di spasu atualizadu

Alem di kel, foi ótimu trabadja ku inkaregadás di idukason na nos unidadi anual di brinkedus di fériadu na Bolling. Obrigadu a tudu algem ki trazi prezentis pa spadja alegria di feria a kriansas nesesitadas.

Na sábadu passadu, famílias sisti nos amostra di skolas na Boston Latin Academy, undi es podi konekta ku tudu ses opsons di matíkula na mesmu telhadu. Nu ta agradesi tudu dirijentis y staff skular ki stevi prezentis pa respondi a perguntas sobri ses skolas y prusesu di inskrison. Inskrisons ta kumesa 4 di Janeru y ta kontinua ti 3 di fevereru pa graus K0, K1, K2 (ki e novu), 6, 7\* y 9. Tudus kes otu graus ta rejistradu a partir di Fevereru, y nu ta bem, volta na novu anu pa papia mas sobri tudus kes linhas di tenpu li.

Mi tanbe nkre papia sobri staff di Mattahunt Elementary School's Toussaint L'Ouverture Academy y alunus ki foi resentimenti aprezentados na *The Boston Globe*. Kel akademia li ta furnesi um kurikulu tantu na ingles komu na kriolu aitianu y e um izenplu di nos inpenhu na spandi prugramason pa alunus multilingis.

Nkria furnesi alguns atualizasons sobri inpresionantis midjoras na Madison Park Technical Vocational High School. Primeru, nkre mensiona menbrus di kumunidade di Madison - alunus, famílias, idukadoris y Lideris skular - nu ta oia nhos y tudu trabadju duru ki nhos sta ta fazi na nhos skola pa promovi midjor.

Nkria distaka alguns fontis di ividensia ki sta ta dam konfiansa di ki kuza sta ta midjora:

- Madison Park resebi um subsidiu di 1 milion di dólar pa se prugrama di karpintaria
- Alunus partisipantis na Co-OP triplika na ultimus dos anu
- Partisipason di y graduason di alunus na RoxMapp Early College aumenta signifkativamenti
- Madison Park tevi maior número di alunus y pais di 9º anu ki frekuenta nos Orientason di kaloirus na ultimus oitu anu.
- Dadus di Learning Walk ta sujiri um maior asesu a instruson rigurozu.
- Diskuspn pa novu ou renovadu Madison Park sa ta avansa ku grandis nível di konprumisus

Nkria tanbe inquadra pa Kumité Skular um Prósimo pontu di agenda relasionadu ku um pulitika di admison pa skola na prósimu mes. Na Junhu di 2022, ikipas di Intervenson di Madison Park TVHS fazi munti rekumendasons a antigu superitendenti Dra. Brenda Casselius. Um di kes rekumendasons era sobri um pulitika di admison, ki tanbe e izijidu pa DESE. Na agostu di 2022, Dr. Brown forma um Kumité di admisons em konfurmidadi ku kel rekumendason li. Na Outubru di 2022, foi fetu runions konjuntus entri staff di skritóriu sentral, administrason di Madison Park y ikipa di intervenson di

**14 di Dizenbru di 2022**

Madison Park. Na sekuensia des sesons, Kumité di admisons riuni pa dizenvolvi um stratéjia. Kel prusesu li foi inkluzo, kulaburativu y involvi munti konstituintis diferentis.

Bu ta bem obi oji di noti um aprezentason sobri orsamentu. Keli, y orsamentu di prosimu anu tem um tema di sustentabilidadi, stratéjia, y rezultadus studantil a midida ki nu ta aprosima di fim di ESSER y nu kumesa ta fazi investmentus profundus na árias sima inkluzon, idukason bilingi, alfabetizason ekitatifu, apoius imusional susial y justisa restaurativu, perkursus skularis y di karera y involvimentu familiar y kumunitáriu. Keli y orsamentu di prósimu anu debi ser fetus ku líderis skularis y kumunidades skularis ku um grandi apoiu di gabeti di orsamentu, superitendentis rejional, y ligasons di redi. Kada ária em foku ta bem iziji ki nu restrutura orsamentu através di um lenti di ikuidadi y inkluzon. Onti nu riuni tudu líderis skularis y nkosigi fala ku es sobri reimajinason di nos trabadju na distritu interu y riafirma nos inpenhu na inkluzon y ikuidadi.

Nkre agradezi a nos Diretor Finanseru Nate Kuder y ikipa orsamental interu pa tudu se trabadju inkansável au longu di ultimu mes, inkuantu nu ta prepara pa épuka orsamental y nu ta garanti ki nos ikipas, líderis skularis y kumunidades skularis tem kuze ki mesti pa toma midjoris disizons pa nos alunus.

Na fitxa ultimu runion di kumité skular des anu, nkre filisita tantu a prezidenti Robinson comu menbru di kumite skular Tran pa se reeleison pa kumite skular. Prezidenti Robinson y Sr. Tran, nos alunus, famílias y kumunidade sta midjor dividu a defeza y intensionalidadadi ki tudu dos ta trazi pa meza. Nkre agradezi otu bes a kada um di nhos pa nhos apoiu na nos trabadju. Min sta gratu pa nhos inpenhu y apoiu kontinu a kel orgão dirijenti li. Nta apresia txeu nhos konstanti inpenhu y vontadi di tem konversas respeitozamenti infurmadus sobri trabadju. Min sta ton inpolgadu ku kuze ki sta pa bem y speransozu pa viajen ki sta ta aprosima.

---

Menbrus filisita Sra. Robinson y Sr. Tran pa ses renumiason pa Kumité

Dr. Alkins pergunta sobri protokolus di saudi y seguransa di COVID y pusivel falta di profesoris dipos di férias. Superitendenti fla ma superintendentis skular sta senpri ta munitoriza kubertura di staff y sta ta konsidera dadus di anu pasadu komu um pontu di referencia. Konsejera Sénior Megan Costello y Diretor Sénior di Servius di Saudi Djenny Lobo Lopes furnesi um atualizason sobri trabadju di munitorizason y planiamentu di kulaburason di distritu ku Kumison di Saúdi Publiku di Boston. Surtus e difinidus komu tres ou mas kazus na um sala di aula duranti um periodu di seti dia.

Sra. Lopera pergunta sobri modi ki pruposta Trandev ta bai a inkontru di nesesidadi di BPS. Superitendenti splika ki pruposta ta bazia na responsabilizason pa métricas em falta na árias txabi. Diretor adjuntu di transportis Dan Rosengard fla ma staff distrital ko-konstrui BID ku peritus di industria au longu di um anu pa konsebi kritérius minimus, y kualifikasons pa sirbi operasons kompleksus di Boston.

*14 di Dizenbru di 2022*

Sra. Polanco Garcia fla me obi priokupasons di famílias sobri ventilason adekuadu. Superitendent adjuntu di operason Sam Depina y xefi di operasons Indira Alvarz splika ma filtrus di ar e mudadu dos bes pur anu inkuantu ki filtrus MERV e mudadus anualmente. Es konkorda na akonpanha ku mas infurmason sobri skolas ki ta uza filtrus di ar MERV. Sra. Polanco Garcia pergunta sobri absentismu y opsons pa alunus kompensa trabadju perdedu. Superitendenti fla ma alunus tem asesu a tutoria online y es podi trabadja ku profesorís pa resebi apoiu extra ora kes ka sta. Xefi di skolas [Drew Echelson](#) splika protokolus pa kompensa trabadju em falta. E fla me ta bem konpanha ku superitendenti skularis priokupasons di Sra. Polanco Garcia sobri trabadju di konpuzison.

Sr. Cardet-Hernandez pergunta sobri objetivus di distritu pa prugramas di Veron. Superitendenti fla me kre oia um aumentu persentual na número di prugramas em jeral, bem komu um aumentu di asesibilidadi pa alunus ki ta uza lugares. E kre oia tanbe midjorias na kumunikason y na alkansi, ta sinplifika prusesu di inskrison. Xefi Interinu di kapital umanu Rae Catchings splika ki BPS tem atualmente serka di 200 vagas di profesorís y um poku menus di 400 profesorís ki sta na prusesu di renunsia. Sr. Cardet-Hernandez pidi um repartison di profesorís nau lisenziadu na árias nukliaris. Sra. Catchings konkorda na da segimentu a informason.

Dr. Alkins pidi um atualizason sobri Green New Deal. Sr. Depina fla ma painel di dadus di instalasons sta em prusesu.

Sra. Lopera pergunta sobri kronolojia di implimentason di rekumendasons di idukason spesial di konselhu di skola di grandi sidadi. Superitendenti splika ma ta izisti um sobrepuzison entri alguns rekumendasons pa idukason spesial y gabineti di idukason multilingi y multikultural (OMME). Superintendenti Adjuntu di Akadémikus Linda Chen fla ma ikipa sa plania atualiza Kumité Skular na novu anu, tantu sobri idukason spesial komu sobri OOME, inkluidu um atualizason sobri kontratason di um Konselheru Sénior pa idukason spesial.

Sr. Cardet-Hernandez pergunta sobri absentismu króniku. Superitendenti oferese pa furnesi um atualizason na anu novu y diskuti stratéjias di reengajamentu. E louva Brighton y Charlestown High Schools pa ter oferese opurtunidadis fleksivel a alunus fora di kaminhu.

Sr. O'Neill fla me sta ansiozu pa resebi um prezentason sobri implementason di rekumendasons di idukason spesial na anu novu, ta transmiti um sentidu di urjensia. E fla me sa spera tanbe ku spektativa kontinuason di diskuson sobri kontratu di transporti. Superitendenti papia sobri nesetidadi di aborda kestons di sistemas di um forma ponderadu y abranjenti. Sr. O'Neill agradezi Sra. Robinson y Sr. Tran pa ses dispunibilidadi pa sirbi.

Sra. Robinson inkuraja distritu a kumunika ku famílias antis di inskrison pa djuda famílas a plania. Superitendentis konkorda.

Sra. Robinson papia sobri inpurtansia di poi midjoris profesorís frenti di alunus. Superitendenti konkorda, ta akresenta ki se ikipa sta ta da prioridadi a sertifikason pa profesorís na árias nukliaris.

**Aprovadu** - na xamada nominal, Kumite unanimamenti aprova Rilatóriu di Supertendenti.



14 di Dizenbru di 2022

## RILATÓRIU

*Tentativa di Akordus kuletivus di negusiason entri Kumité skular di Boston y grémiu administrativu SEIU Local 888 y pididus di aprupiasion suplementar* - Direktor di relasons Labural Jeremiah Hasson aprezena pontus altus di akordus di negusiason kuletivu entri Kumité Skular di Boston y grémiu administrativu, SEIU Local 888 di 2020-2022 y 2022-2024.

Destakis di kontratu 1: Durason: 1 di Setenbru di 2020 - 31 di Agostu di 2022 (só salárius-retruativus)  
Salárius:

- FY21: 2%
- FY22: 2.5%, mas um pagamentu uniku di \$1,000

Destakis di kontratu 2L Durason: 01/09/22 - sabadu, 31 di Agostu di 2024

Salárius:

- FY23: 2,5%
- FY24: 2,5%

Sr. Hasson tanbe aprezena sigintis pididus di dotasons suplementaris FY 23 pa apoia akordus di negusiason kuletivu:

- FY23 Pididu di aprupiasion Suplementar na valor di \$703,939 pa apoia dos Memorandu di Akordu pa susesor di akordu kuletivu di negusiason pa periudu di 1 di Setenbru di 2020 ti 31 di Agostu di 2024 entri intidadi administrativu, SEIU Local 888 y kumité skular di Boston
- FY23 Pididu di aprupiasion Suplementar na valor di \$1,283,486 pa apoia dos Memorandu di Akordu pa susesor di akordu kuletivu di negusiason pa periudu di 1 di Setenbru di 2021 ti 31 di Agostu di 2024 entri sindikatu lupal N.º 1952, Pintoris y Ofisius asusiadu, Konselhu Distrital N.º 35 (tutoris) y kumité skular di Boston
- FY23 Pididu di aprupiasion suplementar na valor di \$164,448 pa apoia dos Memorandu di Akordu pa susesor di akordu kuletivu di negusiason pa periudu di 1 di Setenbru di 2020 ti 31 di Agostu di 2024 entri New England Police Benevolent Association, Local 160 Boston School Police Patrolmen's Association y kumité skular di Boston

Kumité sta previstu pa vota es noti akordus di grémiu y pididus di dotasons suplementar.

## KUMENTÁRIU DI PUBLIKU EN JERAL

Robert Jenkins, rezidenti y difensor di Mattapan, tistimunha a favor di prupostas renomiason di Madison Park Technical Vocational High School y Mattahunt Elementary School/Mattahunt Community Center.

Ruby Reyes, rizidenti di Dorchester, diretora izekutiva di Boston Education Justice Alliance (BEJA) tistimunha a respetu di seguransa skular.

Edith Bazile, rizidenti y difensora di Hyde Park tistimunha sobri ikuidadi rasial na BPS.

**Runion virtual di kumité skular di Boston  
Zoom**

**14 di Dizenbru di 2022**

Becky Reindel, rizidenti na Cambridge y reprezentanti di servisu juridikus di grandi Boston, tistimunha a respetu di seguransa di alunu.

Michael Heichman, rezidenti na Dorchester y menbru di BEJA, tistimunha sobri ikuidadi rasial na BPS.

Lauren Peter, rezidenti na Roslindale y mai di Sumner Elementary School, tistimunha a respetu di fuzon propustu entri Sumner and Philbrick Elementary schools.

Ariel Adelman, rezidenti y difensor di Brighton, tistimunha a respetu di ikuidadi skular pa kriansa y famílias difisientis.

Sigintis algem tistimunha a respetu protokolus di siguransa di Covid:

- Cheryl Buckman, rezidenti na sul di Boston, mai di BPS y menbru di FamCoSA
- Betsy Yoshimura, rezidenti na East Boston y mai di Umana Academy
- Suleika Soto, rezidenti di South End y menbru di BEJA, le um deklarason di Nurse Faculty Senate

## PONTUS DI ASON

Sr. O'Neill agradezi kumunidadis skularis pa ter involvidu na um prusesu di renumiamentu ponderadu, ta akresenta ke staba orgulhosa di vota a favor di prupostas di renumiamentu. Sra. Lopera fazi eku di ses kumentáriu, ta observa ki prusesu foi konduzidu pa kumunidadis skularis. Sra. Robinson spresa speransa di ki biografias seja skritus sobri alguns di kes omenajiadus.

**Aprovadu** - Em xamada numinal, Kumite aprova pur unanimidadi rekumendason di Superitendenti pa renomia 27 spasus na Boston Arts Academy (BAA) em onra di individus ki da um kontribuison signifikativu pa BAA.

**Aprovadu** - Em xamada numinal, Kumite aprova pur unanimidadi rekumendason di Superitendenti pa renomia dos salas na Madison Park Technical Vocational High School em onra di antigus menbrus di staff Charles McAfee y Jose Solis.

**Aprovadu** - Em xamada numinal, Kumite aprova pur unanimidadi rekumendason di Superitendenti pa renomia um sala na Mattahunt Community Center/Mattahunt Elementary School em onra di antigus menbrus di staff Charles McAfee y Jose Solis.

**Aprovadu** - Em xamada numinal, Kumite aprova pur unanimidadi rekumendason di Superitendenti pa renomia McKinley Programs pa Melvin H. King South End Academy em onra di antigu reprezentanti di stadu pa 9th Suffolk, ex-alunu y idukador di BPS, y difensor di juventudi.

**Aprovadu** - Em xamada numinal, Kumite aprova pur unanimidadi um memorandu di akordu entri grémiu administrativu, SEIU Local 888 y Kumité Skular di Boston, em vigor di 1 di Setenbru di 2020 a 31 di Agostu di 2022.

14 di Dizenbru di 2022

**Aprovadu** - Em xamada numinal, Kumite aprova pur unanimidadi um memorandu di akordu entri grémiu administrativu, SEIU Local 888 y Kumité Skular di Boston, em vigor di 1 di Setenbru di 2022 a 31 di Agostu di 2024.

**Aprovadu** - Em xamada numinal, Kumite aprova pur unanimidadi um muson di suspeson di Artigu II, Seson 1 di Statutus di Kumité Skular di Boston, ki ta binha izijiba ki Kumité "konvokasi se runion anual na primeru segunda fera di Janeru di kada anu". Dadu ki primeru segunda-fera di Janeru di 2023 ta kontra ku feriadu di Anu novu observadu, Kumite skular vota pa prezenti pa konvoka se runion anual di organizason di 2023 a 4 di Janeru di 2023.

## RILATÓRIU

**Atualizason Finanseru, FY22-FY24** - Diretor finanseru Nate Kuder apresenta um atualizason sobri stadu di orsamentu di Anu Fiskal (FY) 2022 na final des anu orsamental, stadu di atual orsamentu di FY23, y kestons y planiamentu inisial pa FY24. Sr. Kuder djunta a ko-representantis David Bloom, Diretor Finanseru Adjuntu, y Serena LaRocque, Diretora di Responsabilizason di Investimentus skular.

Pa FY22, arias di kustus mas altu du ki speradu: Trabadjadoris tenpuráriu, utilitáriu y transportis. Arias undi nu identifika poupanzas operacional y nu ridifini prioridadi di fundus disponivel: Saláriu di trabadjadoris, Segurus di saúdi y Servisus kontratadus. Apezar di mudansas, BPS termina anu dentu di orsamentu pa 32° anu konsekutivu. Pa FY23, ki e anu fiskal atual, ikipa finanseru apresenta atualizasons sobri investimentus di FY23 y e furnesi primeru relatóriu di dispezas prujetadus pa anu fiskal. Sr. Kuder manifesta konfiansa em ki BPS tanbe ta bem termina es anu fiskal dentu di orsamentu. Kel seson li di apresentason inklui tanbe um atualizason sobri fundus di ajuda di imerjensia (ESSER) di skolas primária y sekundária. Apresentason fitxa ku um antevizon di orsamentu di FY24, ki superitendenti y ikipa finanseruta bem apresenta na íntegra a 1 di Fevereru di 2023 y ta bem kumesa a 1 di Julhu di 2023. Paralem di partilha kuadru imerjenti di orsamentu di FY24, ikipa tanbe preve modi ki distritu sta ta plania sustentabilidadadi na último anu di ESSER.

Mr. Cardet-Hernandez spresa priokupasons sobri perspetivas finanserus pa FY25 kandu fundus ESSER finda. E alerta pa uzu di aterajens suavis. Sr. Kuder splikaonseitu di kualidadi di fundasons y di finansiamentu inufensivu. Superitendenti fla ma líderis di skritóriu sentral sta ta trabadja ku líderis di skolas pa djudas toma disizons stratéjikus. Sr. Cardet-Hernandez observa ki munti apoius susial-imusional e finansiadus pa ESSER e ta bem tem di tranzita pa orsamentu jeral.

Dr. Alkins pidi dadus sobri taxas di kaptura pur grau, ki Sr. Kuder konkorda na furnesi. Sra. LaRocque fla ma ikipa finanseru sta ta konsidera uzu di Mezas redondu di ikuidadi baziadus na skolas pa involvi famílias na orsamentu.

Sra. Lopera pergunta sobri prujesons di inskrison y stratéjia di inskrison. Sr. Kuder splika modi ki BPS ta trabadja ku ajensia di planiamentu y dizenvolvimentu di Boston pa dizenvolvi mudelus di prujesons baziadus na um konjuntu di fatoris. E fla ma BPS sta ta konsidera um parseria ku

*14 di Dizenbru di 2022*

um organizason sternal pa studa tendensias demográfikus a longu prazu. E fla ma matrikula atual e maior preditor di matrikulas futurus, a midida ki ko-ortis ta muvimenta au longu di sistema. E fla ma BPS ta bem lansa konversas baziadus na vizinhansa sobri Green New Deal.

Sr. Cardet-Hernande papia sobri valor di involvi famílas Pré-K através di grupus di brinkadera. E aviza ki na prósimus anus, distritu ta bem mesti di novus reseitas di Sidadi ou ta bem mesti di fazi sedensias.

Sra. Lopera pidi um repartison di dadus sobri investmentus ESSER II y ESSER III pur skola. E inkuraja distritu a identifika y partilha midjoris prátikas a nível skular. Sra. LaRocque fla ma Kumité ta bem resebi um atualizason mensal di orsamentu ki tem infurmasons detalhadus di ESSER.

Sr. O'Neill spresa priokupason pa fatu di alguns skolas ka ter atribuidu fundus ESSER. Sr. Bloom splika ki ninhum dinheru ka foi divolvidu a stadu des di anu pasadu. E akresenta ki BPS sta na bom kaminhu pa ki tudu fundus seja dividamenti kompensadus ou totalmenti uzadus dentu di prazu stabelesidu. Sr. O'Neill pergunta sobri inpaktu na tendensias di matrikulas a midida ki BPS ta afasta di skolas médiusy ta abraza um mudelu prinsipalmenti K-6/7-12 e K-8/9-12. Sr. Kuder fla ma mudelu trazi mas previzibilidadi a famílas, nutandu ki BPS odja aumenta matrikulas na kuartu anu na skolas ki akresenta sextu anu. Sr. O'Neill papia sobri inpurtansia di involvi famílas na fuzons skularis.

Sra. Robinson papia sobri dizafius relasionadu ku apoiu a skolas ku matrikulas kada bes menus y spanson di inkluzon. Sr. Bloom papia sobri inpurtansia di tomadu disizons intensional. Sra. Robinson pergunta si tudu skolas sekundárius ta oferesi línguas mundial komu parti di MassCore. Prezentis konkorda na da sigimentu. Jillian Kelton, Xefi di apoiu a alunas, papia sobri investmentus di distritu na prátikas di justisa restaurativu.

## KUMENTÁRIU PUBLIKU SOBRI RELATORIU

Ninhun.

## NOVU NEGOSIU

Dr. Alkins sujiri ki Kumite tivesi um konversa sobri alguns priokupasons labantadus durante kumentárius di publiku em jeral relasionadus ku um proposta pa akresenta puzison adisional di apoiu a alunas.

Sr. Cardet-Hernandez pidi klareza sobri planus di inseramentu di skolas, konsolidasons, y fuzons.

## ADIAMENTU

Runion virtual di kumité skular di Boston  
Zoom

*14 di Dizenbru di 2022*

***Aprovadu-*** Pa volta di 10:41 pm Kumite vota ku unanimidadi, pa xamada nominal adiamentu di runion.

Atestadu:



Elizabeth Sullivan  
Sikretária Izekutiva